


T5233.07/0623



爾今不散而積之是惜朽壞

哈佛大博所藏卷大商之

能蕃其貨者豈其錙銖躬自鬻於市哉必有販夫小

賈就而分之販夫小賈無利則不爲故大商不妬販

夫之分其利者恃其貨博雖取利少貨行流速則積

少而爲多也今爲大國者有無窮不竭之貨及妬大

商之分其利寧使無用而積爲朽壞何哉故大商之

善爲術者不惜其利而誘販夫大國之善爲術者不

惜其利而誘大商此與商賈共利取少而致多之術

也若乃縣官自爲鬻市之事此大商之不爲臣謂行

之難久者也誠能不較錙銖而思遠大則積朽之物

散而錢幣通可不勞而用足矣臣愚不足以知時事若夫堅守以扞賊利則出而擾之凡小便宜願且委之邊將至於積穀與錢通其漕運不二三歲而國力漸豐邊兵漸習賊銳漸挫而有隙可乘然後一舉而滅之此萬全之策也願陛下以其小者責將帥謀其大計而行之則天下幸甚臣脩昧死再拜

鼂錯言兵事書

錯言造事諸書深究利害之實不當以文字觀之

臣聞漢興以來胡虜數入邊地小入則小利大入則大利高后時再入隴西攻城屠邑毆畧畜產其後復入隴西殺吏卒大寇盜竊聞戰勝之威民氣百倍敗

此文比漢文最古尚似孫武子

兵之卒沒世不復自高后以來隴西三困於匈奴矣民氣破傷亡有勝意今茲隴西之吏賴社稷之神靈奉陛下之明詔和輯士卒底厲其節起破傷之民以當乘勝之匈奴用少擊衆殺一王敗其衆而法曰大

有利非隴西之民有勇怯迺將吏之制巧拙異也故兵法曰有必勝之將無必勝之民繇此觀之安邊境立功名在於良將不可不擇也臣又聞用兵臨戰合刃之急者三一曰得地形二曰卒服習三曰器用利

兵法曰丈五之溝漸車之水山林積石經川丘阜山木所在此步兵之地也車騎二不當一土山丘陵曼

衍相屬平原廣野此車騎之地也步兵十不當一平
陵相遠川谷居間仰高臨下此弓弩之地也短兵百
不當一兩陳相近平地淺少可前可後此長戟之地
也劔楯三不當一萑蒿竹簫少木蒙籠支葉茂接此
矛鋌之地也長戟二不當一曲道相伏險阨相薄此
劔楯之地也弓弩三不當一士不選練卒不服習起
居不精動靜不集趨利弗及避難不畢前擊後解與
金鼓之音相失此不習勒卒之過也百不當一兵不
完利與空手同甲不堅密與袒裼同弩不可以及遠
與短兵同射不能中與亡矢同中不能入與亡鏃同

此將不省兵之禍也五不當一故兵法曰器械不利
以其卒予敵也卒不可用以其將予敵也將不知兵
以其主予敵也君不擇將以其國予敵也四者兵之
至要也臣又聞小大異形疆弱異執險易異備夫卑
身以事疆小國之形也合小以攻大敵國之形也以
蠻夷攻蠻夷中國之形也今匈奴地形技藝與中國
異上下山阪出入溪澗中國之馬弗與也險道傾仄
且馳且射中國之騎弗與也風雨罷勞饑渴不困中
國之人弗與也此匈奴之長技也若夫平原易地輕
車突騎則匈奴之衆易撓亂也勁弩長戟射䟽及遠

則匈奴之弓弗能格也堅甲利刃長短相雜遊弩往來什伍俱前則匈奴之兵弗能當也材官騶發矢道同的則匈奴之革筈木薦弗能支也下馬地闔劍戟相接去就相薄則匈奴之足弗能給也此中國之長技也以此觀之匈奴之長技三中國之長技五陛下又興數十萬之衆以誅數萬之匈奴衆寡之計以一擊十之術也雖然兵凶器戰危事也以大爲小以疆爲弱在俛仰之間耳夫以人之死爭勝跌而不振則悔之亡及也帝王之道出於萬全今降胡義渠蠻夷之屬來歸誼者其衆數千飲食長技與匈奴同可賜之堅甲絮衣勁弓利矢益以邊郡之良騎令明將能知其習俗和輯其心者以陛下之明約將之即有險阻以此當之平地通道則以輕車材官制之兩軍相爲表裏各用其長技衝加之以衆此萬全之術也傳曰狂夫之言而明主擇焉臣錯愚陋昧死上狂言惟陛下財擇

此篇敘事錯綜皆實

又上守邊備塞事

一節

臣聞秦時北攻胡貉築塞河上南攻楊粵置戍卒焉其起兵而攻胡粵非以衛邊地而救民死也貪戾而欲廣大也故功未立而天下亂且夫起兵而不知其

執戰則爲人禽屯則卒積死夫胡貉之地積陰之處也木皮三寸水厚六尺食肉而飲酪其人密理鳥獸毳毛其性能寒楊粵之地少陰多陽其人疏理鳥獸希毛其性能暑秦之戍卒不能其水土戍者死於邊輸者償於道秦民見行如往棄市因以謫發之名曰謫戍先發吏有謫及贅壻賈人後以嘗有市籍者又後以大父母父母嘗有市籍者後入閭取其左發之不順行者深怨有背畔之心凡民守戰至死而不降北者以計爲之也故戰勝守固則有拜爵之賞攻城屠邑則得其財鹵以富家室故能使其衆蒙矢石赴

三節

湯火視死如生今秦之發卒也有萬死之害而亡銖兩之報死事之後不得一筭之復天下明知禍烈及已也陳勝行戍至於大澤爲天下先倡天下從之如流水者秦以威劫而行之之敝也三節胡人衣食之業不著於地其執易以擾亂邊竟何以明之胡人食肉飲酪衣皮毛非有城郭田宅之歸居如飛鳥走獸於廣塹美草甘水則止草盡水竭則移以是觀之往來轉徙時至時去此胡人之生業而中國之所以離南晦也今使胡人數處轉牧行獵於塞下或當燕代或當上郡北地隴西以候備塞之卒卒少則入陛下不救

則邊民絕望而有降敵之心救之少發則不足多發
遠縣繞至則胡又已去聚而不罷為費甚大罷之則
胡復入如此連年則中國貧苦而民不安矣陛下幸
憂邊境遣將吏發卒以治塞甚大惠也然今遠方之
卒戍塞一歲而更不知胡人之能不如選常居者家
室田作且以備之以便為之高城深塹具蘭石布渠
峇復為一城其內城間百五十步要害之處通川之
道調立城邑毋下千家為中周虎落先為室屋具田
器廼募卒人及免徒復作令居之不足募以丁奴婢
贖卒及輸奴婢欲以拜爵者不足廼募民之欲往者

應三節

皆賜高爵復其家予冬夏木廩食能自給而止郡縣

之民得買其爵以自增至卿其亡夫若妻者縣官買

予之人情非有匹敵不能久安其處塞下之民祿利

上章下搭

不厚不可使久居危難之地應二節胡人入驅而能止其所

驅者以其半予之縣官為贖其民如是則邑里相救

助赴胡不避死非以德上也欲全親戚而利其財也

應一節

此與東方之戍卒不習地執而心畏胡者功相萬也

應四節

以陛下之時徙民實邊使遠方亡屯戍之事塞下之

民父子相保亡繫虜之患利施後世名稱聖明其與

秦之行怨民相去遠矣

又上募民徙塞下事

陛下幸募民相徙以實塞下使屯戍之事益省輸將之費益寡甚大惠也下吏誠能稱厚惠奉明法存恤所徙之老弱善遇其壯士和輯其心而勿侵刻使先至者安樂而不思故鄉則貧民相募而勸往矣臣聞古之徙遠方以實廣虛也相其陰陽之和嘗其水泉之味審其土地之宜觀其山木之饒然後營邑立城製里割宅通田作之道正阡陌之界先爲築室家有一堂二內門戶之閉置器物焉民至有所居作有所用此民所以輕去故鄉而勸之新邑也爲置醫巫以

救疾病以脩祭祀男女有昏生死相卹墳墓相從種樹畜長室屋完安此所以使民樂其處而有長居之心也臣又聞古之制邊縣以備敵也使五家爲伍伍有長十長一里里有假士四里一連連有假五百十連一邑邑有假候皆擇其邑之賢材有護習地形知民心者居則習民於射法出則教民於應敵故卒伍成於內則軍正定於外服習以成勿令遷徙幼則同遊長則共事夜戰聲相知則足以相救晝戰目相見則足以相識驩愛之心足以相死如此而勸以厚賞威以重罰則前死不還踵矣所徙之民非壯有材力

但費衣糧不可用也。雖有材力，不得良吏，猶亡功也。陛下絕匈奴不與和親，臣竊意其冬來南也。壹大治則終身創矣。欲立威者，始於折膠，來而不能困，使得氣去後，未易服也。愚臣亡識，惟陛下財察。

主父偃論伐匈奴書

臣聞明主不惡切諫，以博觀；忠臣不避重誅，以直諫。是故事無遺策，而功流萬世。今臣不敢隱忠，避死以效愚計。願陛下幸赦而少察之。司馬法曰：國雖大好，戰必亡；天下雖平，忘戰必危。天下既平，天子大愷，春蒐秋獮，諸侯春振旅，秋治兵，所以不忘戰也。且夫怒

者，逆德也；兵者，凶器也；爭者，末節也。古之人君，一怒必伏尸流血，故聖王重行之。夫務戰勝窮武事，未有不悔者也。昔秦皇帝任戰勝之威，蠶食天下，并吞戰國，海內爲一功。齊、三代務勝不休，欲攻匈奴，李斯諫曰：不可。夫匈奴無城郭之居，委積之守，遷徙鳥舉，難得而制。輕兵深入，糧食必絕，運糧以行，重不及事，得其地不足以爲利，得其民不可調而守也。勝必棄之，非民父母，靡敝中國，甘心匈奴，非完計也。秦皇帝不聽，遂使蒙恬將兵而北攻胡、郤地千里，以河爲境地，固澤鹵不生五穀，然後發天下丁男以守北河，暴兵

露師十有餘年死者不可勝數終不能踰河而北是
豈人衆之不足兵革之不備哉其執不可也又使天
下飛芻輓粟起於黃腫琅琊負海之郡轉輸北河率
三十鍾而致一石男子疾耕不足於糧餉女子紡績
不足於帷幕百姓靡敝孤寡老弱不能相養道死者
相望蓋天下始叛也及至高皇帝定天下略地於邊
聞匈奴聚代谷之外而欲擊之御史成諫曰不可夫
匈奴獸聚而鳥散從之如搏影今以陛下盛德攻匈
奴臣竊危之高帝不聽遂至代谷果有平城之圍高
帝悔之廼使劉敬往結和親然後天下亡干戈之事

故兵法曰興師十萬日費千金秦常積衆數十萬人
雖有覆車殺將係虜單于適足以結怨深讎不足以
償天下之費夫匈奴行盜侵毆所以爲業天性固然
上自虞夏殷周固不程督禽獸畜之不比爲人夫不
又拾此數句上觀虞夏殷周之統而下循近世之失此臣之所以
大恐百姓所疾苦也且夫兵久則變生事苦則慮易
使邊境之民靡敝愁苦將吏相疑而外市故尉佗章
邯得成其私而秦政不行權分二子此得失之效也
故周書曰安危在出令存亡在所用願陛下熟計之
而加察焉

通篇只是引用二舊事與昔人諫諍之說而後自說處不過數言亦是文之一體

斐亦奇

嚴安論征伐書

對舉

臣聞周有天下其治三百餘歲成康其隆也刑錯四十餘年而不用及其衰也亦三百餘歲故五伯更起伯者常佐天子興利除害誅暴禁邪匡正海內以尊天下五伯既沒賢聖莫續天子孤弱號令不行諸侯恣行疆陵弱衆暴寡田常篡齊六卿分晉並爲戰國此民之始苦也於是疆國務攻弱國備守合從連橫馳車駁擊介冑生蟣蟲民無所告愬及至秦王蠶食

天下并吞戰國稱號曰皇帝一海內之政壞諸侯之城銷其兵鑄以爲鍾虜示不復用元元黎民得免於戰國逢明天子人人自以爲更生嚮使秦緩其刑罰薄賦歛省繇役貴仁義賤權利上篤厚下智巧變風易俗化於海內則世世必安矣秦不行是風而循其故俗爲智巧權利者進篤厚忠信者退法嚴政峻譎諛者衆日聞其美意廣心軼欲肆威海外乃使蒙恬將兵以北攻胡辟地進境戍於北河蜚芻輓粟以隨其後又使尉佗屠睢將樓船之士南攻百越使監祿鑿渠運糧深入越地越人遁逃曠日持久糧食之絕

越人擊之秦兵大敗秦乃使尉佗將卒以戍越當是時秦禍北構於胡南挂於越宿兵於無用之地進而不得退行十餘年丁男被甲丁女轉輸苦不聊生自經於道樹死者相望及秦皇帝崩天下大畔陳勝吳廣舉陳武臣張耳舉趙項梁舉吳田儋舉齊景駒舉過秦餘論郢周市舉魏韓廣舉燕窮山通谷豪士並起不可勝載也然皆非公侯之後非長史之吏無尺寸之勢起閭巷杖棘矜應時而皆動不謀而俱起不約而同會壤長地進至于霸王時數使仗然也秦貴為天子富有天下滅世絕祀者窮兵之結憊也故周失之弱秦失之

疆不變之患也今欲招南夷朝夜即降羗棘畧濊川建城邑深入匈奴燔其龍城議者美之此人臣之利也非天下之長策也今中國無狗吠之警而外累於遠方之備靡敝國家非所以予民也行無窮之欲其心快意結怨於匈奴非所以安邊也禍結而不解兵休而復起此不在顯史而在蕭牆之意近者愁苦遠者驚駭非所以持久也今天下鍛甲砥劍矯箭控弦轉輸軍糧未見休時此天下之所共憂也夫兵久而變起事煩而慮生今外郡之地或幾千里列城數十形東壤制旁脅諸侯非公室之利也上觀齊晉之又應前所以亡者公室卑削六卿大盛

也下觀秦之所以滅者嚴法刻深欲大無窮也今郡守之權非特六卿之重也地幾千里非特閭巷之資也甲兵器械非特棘矜之用也以遭萬世之變則不可稱諱也

楊雄諫不受單于朝書

援古

臣聞六經之治貴於未亂兵家之勝貴於未戰二者皆微然而大事之本不可不察也今單于上書來朝國家不許而辭之臣愚以為漢與匈奴從此隙矣匈奴本北地之狄五帝所不能臣三王所不能制其不可使隙甚明臣不敢遠稱請引秦以來明之以秦始皇之

疆蒙恬之威帶甲肆拾餘萬然不敢窺西河迺築長城以界之會漢初興以高祖之威靈三十萬衆困於平城士或七日不食時竒譎之士石畫之臣甚衆卒其所以脫者世莫得而言也又高皇后嘗忿匈奴羣臣庭議樊噲請以十萬衆橫行匈奴中季布曰噲可斬也妄阿順指於是大臣權書遺之然後匈奴之結解中國之憂平及孝文時匈奴侵暴北邊候騎至雍甘泉京師大駭發三將軍屯細柳棘門霸上以備之數月迺罷孝武即位設馬邑之權欲誘匈奴使韓安國將三十萬衆徼於便墜匈奴覺之而去徒費財勞

師一虜不可得見况單于之面乎其後深惟社稷之計規恢萬載之策廼大興師數十萬使衛青霍去病操兵前後十餘年於是浮西河絕大幕破寘顏襲王庭窮極其地追奔逐北封狼居胥山禪於姑衍以臨瀚海虜名王貴人以百數自是之後匈奴震怖益求和親然而未肯稱臣也且夫前世豈樂傾無量之費役無罪之人快心於狼望之北哉以為不壹勞者不又佚不暫費者不未寧是以忍百萬之師以摧餓虎之喙運府庫之財填廬山之壑而不悔也至本始之初匈奴有桀心欲掠烏孫侵公主廼發五將之師十

五萬騎獵其南而長羅侯以烏孫五萬騎震其西皆至質而還時鮮有以所獲徒奮揚威武明漢兵若風雷耳雖空行空反尚誅兩將軍故北狄不服中國未得高枕安寢也逮至元康神爵之間大化神明鴻恩博洽而匈奴內亂五單于爭立日逐呼韓邪攜國歸死扶伏稱臣然尚羈縻之計不顯制自此之後欲朝者不距不欲者不疆何者外國天性忿鷙形容魁健負力怙氣難化以善易隸以惡其疆難誣其和難得故未服之時勞師遠攻傾國殫貨伏尸流血破堅拔敵如彼之難也既服之後慰薦撫循交接賂遺威儀俯

文編卷之三十一
仰如此之備也。往時嘗屠大宛之城，蹈烏桓之壘，探姑繒之壁，藉蕩姐之場。文朝鮮之旃，拔兩越之旗。近不過旬月之役，遠不離二時之勞。固已犁其庭，掃其閭，郡縣而置之。雲徹帝卷，後無餘畜。惟北狄爲不然。真中國之堅敵也。三垂比之懸矣。前世重之，茲甚未易可輕也。今單于歸義，懷欵誠之心，欲離其庭。陳見於前，此廼上世之遺策。神靈之所想望，國家雖費不_{此屬弱}得已者也。柰何距以來，厭之辭，疏以無日之期。消往昔之恩，開將來之隙。夫欵而隙之，使有恨心，負前言。緣往辭，歸怨於漢，因以自絕。終無北面之心，威之不

可諭之不能焉。得不爲大憂乎？夫明者視於無形，聰者聽於無聲。誠先於未然，即蒙恬樊噲不復施，棘門細柳不復備。馬邑之策，安所設；衛霍之功，何得用。五將之威，安所震。不然，豈有隙之後，雖智者勞心於內，辯者轂擊於外，猶不若未然之時也。且往者圖西域，制車師，置城都護，三十六國費歲以大萬計者，豈爲康居烏孫能踰白龍堆而寇西邊哉？廼以制匈奴也。夫百年勞之一日失之費，十而愛一臣竊爲國不安也。惟陛下少留意於未亂，未戰以遏邊萌之禍。

魏相諫擊匈奴書

臣聞之救亂誅暴謂之義兵兵義者王敵加於已不
得已而起者謂之應兵兵應者勝爭恨小故不忍憤
怒者謂之忿兵兵忿者敗利人土地貨寶者謂之貪
兵兵貪者破恃國家之大矜民人之衆欲見威於敵
者謂之驕兵兵驕者滅此五者非但人事乃天道也
間者匈奴嘗有善意所得漢民輒奉歸之未有犯於
邊境雖爭屯田專師不足致意中今聞諸將軍欲興
兵入其地臣愚不知此兵何名者也今邊郡困乏父
子共犬羊之裘食草萊之實常恐不能自存難以動
兵軍旅之後必有凶言民以其愁苦之氣傷陰陽
之和也出兵雖勝猶有後憂恐災害之變因此以生
今郡國守相多不實選風俗尤薄水旱不時案今年
計子弟殺父兄妻殺夫者凡二百二十二人臣愚以
爲此非小變也今左右不憂此乃欲發兵報纖介之
忿於遠夷殆孔子所謂吾恐季孫之憂不在顓臾而
在蕭牆之內也願陛下與平昌侯樂昌侯平恩侯及
有識者詳議乃可

耿育上訟陳湯書

轉

延壽湯爲聖漢揚鉤深致遠之威雪國家累年之耻
討絕域不羈之君繫萬里難制之虜豈有比哉先帝

嘉之仍下明詔宣著其功改年垂歷傳之無窮應是
南郡獻白虎邊垂無警備會先帝寢疾然猶垂意不
忘數使尚書責問丞相趣立其功獨丞相匡衡排而
不予封延壽湯數百戶此功臣戰士所以失望也孝
成皇帝承建業之基乘征伐之威兵革不動國家無
事而大臣傾邪讒佞在朝曾不深惟本末之難以防
未然之戒欲專主威排妬有功使湯塊然被寬拘囚
不能自明卒以無罪老棄燉煌正當西域通道令威
名折衝之臣旋踵及身復為郅支遣虜所笑誠可悲
也至今奉使外蠻者未嘗不陳郅支之誅以揚漢國

之盛夫援人之功以懼敵棄人之身以快讒豈不痛

有萬鈞之力

哉且安不忘危盛必慮衰今國家素無文帝累年節

儉富饒之畜又無武帝薦延梟俊禽敵之臣獨有一

陳湯耳假使異世不及陛下尚望國家追錄其功封

不窮

表其墓以勸後進也湯幸得身當聖世功曾未久反

聽邪臣鞭逐斥遠使亡逃分竄死無處所遠覽之士

莫不計度以為湯功累世不可及而湯過人情所有

湯尚如此雖復破絕筋骨暴露形骸猶復制於唇舌

為嫉妬之臣所繫虜耳此臣所以為國家尤戚戚也

代張方平諫用兵書

臣聞好兵猶好色也傷生之事非一而好色者必死
賊民之事非一而好兵者必亡此理之必然者也夫
惟聖人之兵皆出於不得已故其勝也享安然之福
其不勝也必無意外之患後世用兵皆得已而不已
故其勝也則變遲而禍大其不勝也則變速而禍小
是以聖人不計勝負之功而深戒用兵之禍何者興
師十萬日費千金內外騷動殆於道路者七十萬家
內則府庫空虛外則百姓窮匱饑寒逼迫其後必有
盜賊之憂死傷愁怨其終必致水旱之報上則將帥
擁衆有跋扈之心下則士衆入役有潰叛之志變故

百出皆由用兵至於興事首議之人冥謫尤重蓋以
平民無故緣兵而死怨氣充積必有任其咎者是以
聖人畏之重之非不得已不敢用也自古人主好動
干戈由敗而亡者不可勝數臣今不敢復言請爲

陛下言其勝者秦始皇既平六國復事攻越戍役之
患被於四海雖拓地千里遠過三代而墳土未乾天
下怨叛二世被害子嬰被擒滅亡之酷自古所未嘗
有也漢武帝承文景富溢之餘首挑匈奴兵連不解
遂使侵尋及於諸國歲歲調發所向成功建元之間
兵禍始作是時蚩尤其出長與天等其春戾太子生

自是師行三十餘年死者無數及巫蠱事起京師流血僵尸數萬太子父子皆敗班固以爲太子生長於兵與之終始帝雖悔悟自克而歿身之恨已無及矣隋文帝旣下江南繼事夷狄煬帝嗣位此心不衰皆能誅滅疆國威震萬里然而民怨盜起亡不旋踵唐太宗神武無敵尤喜用兵旣已破滅突厥高昌吐谷渾等猶且未厭親駕遠東皆志在立功非不得已而用其後武氏之難唐室王陵遲不絕如綫皆用兵之禍物理難逃不然太宗仁一聖寬厚克已裕人幾至刑措而一傳之後子孫塗炭此豈爲善之報也哉由此觀

之漢唐用兵於寬仁之後故其勝而僅存秦隋用兵於殘暴之餘故其勝而遂滅臣每讀書至此未嘗不掩卷流涕傷其計之過也若使此四君者方其用兵之初隨即敗衄惕然戒懼知用兵之難則禍敗之興當不至此不幸每舉輒勝故使徂於功利慮患不深臣故曰勝則變遲而禍大不勝則變速而禍小不可不察也昔仁宗皇帝覆育天下無意於兵將士惰偷兵革朽鈍元昊乘間竊發西鄙延安涇原麟府之間敗者三四所喪動以萬計而海內晏然兵休事已而民無怨言國無遺患何者天下臣庶知其無好兵

之心天地鬼神諒其有不得已之實故也今陛下
天錫勇智意在富疆即位以來繕甲治兵伺候鄰國
羣臣百寮窺見此指多言用兵其始也弼臣執國命
者無憂深思遠之心樞臣當國論者無慮害持難之
識在臺諫之職者無獻替納忠之議從微至著遂成
厲階旣而薛向爲橫山之謀韓絳效深入之計陳升
之呂公弼等陰與之協力師徒喪敗財用耗屈較之
寶元慶曆之敗不及十一然而天怒人怨邊兵皆叛
京師騷然陛下爲之旰食者累月何者用兵之端
陛下作之是以吏士無怒敵之意而不直陛下

也尚賴祖宗積累之厚皇天保佑之深故使兵出
無功感悟聖意然淺見之士方且以敗爲耻力欲
求勝以稱上心於是王韶構禍於熙河章惇造孽
於橫山熊本發難於渝瀘然此等皆戕賊已降俘累
老弱困弊腹心而取空虛無用之地以爲武功使
陛下受此虛名而忽於實禍勉疆砥礪奪於功名故
沈起劉夔復發於安南使十餘萬人暴露瘴毒死者
十而五六道路之人斃於輸送貲糧器械不見敵而
盡以爲用兵之意必且少衰而李憲之師復出於洮
州矣今師徒克捷銳氣方盛陛下喜於一勝必有

輕視四夷陵侮敵國之意天意難測臣實畏之且夫
戰勝之後陛下可得而知者凱旋捷奏拜表稱賀
赫然耳目之觀耳至於遠方之民肝腦屠於白刃筋
骨絕於餽餉流離破產鬻賣男女薰眼折臂自經之
狀陛下必不得而見也慈父孝子孤臣寡婦之哭聲
陛下必不得而聞也譬猶屠殺牛羊剝鱗魚鼈以
爲膳羞食者甚美死者甚苦使陛下見其號呼於
挺刃之下宛轉於刀几之間雖八珍之美必將投筯
而不忍食而况用人之命以爲耳目之觀乎且使
陛下將卒精疆府庫充實如秦漢隋唐之君旣勝之

後禍亂方興尚不可救而况所在將吏罷軟凡庸較
之古人萬萬不逮而數年以來公私窘乏內府累世
之積掃地無餘州郡征稅之儲上供殆盡百官俸廩
僅而能繼南郊賞給久而未辦以此舉動雖有智者
無以善其後矣且饑疫之後所在盜賊蜂起京東河
北尤不可言若軍事一興橫歛隨作民窮而無告其
勢不爲大盜無以自全邊事方深內患復起則勝廣
之形將在於此此老臣所以終夜不寐臨食而歎至
於慟哭而不能自止也且臣聞之凡舉大事必順天
心天之所向以之舉事必成天之所背以之舉事必

文編卷之十一
敗蓋天心向背之迹見於災祥豐歉之間今自近歲
日蝕星變地震山崩水旱癘疫連年不解民死將半
天心之向背可以見矣而 陛下方且斷然不顧興
事不已譬如人子得過於父母惟有恭順靜思引咎
自責庶幾可解今乃紛然詰責奴婢恣行箠楚以此
事親未有見赦於父母者故臣願 陛下遠覽前世
興亡之迹深察天心向背之理絕意兵革之事保疆
睦鄰安靜無爲固社稷長久之計上以安 二宮朝
夕之養下以濟四方億兆之命則臣雖老死溝壑瞑
目於地下矣昔漢祖破滅羣雄遂有天下光武百戰

百勝祀漢配天然至白登被圍則講和親之議西域
請吏則出謝絕之言此二帝者非不知兵也蓋經變
既多則慮患深遠今 陛下深居九重而輕議討伐
老臣庸懦私竊以爲過矣然人臣納說於君因其既
厭而止之則易爲力迎其方銳而折之則難爲功凡
有血氣之倫皆有好勝之意方其氣之盛也雖布衣
賤士有不可奪自非智識特達度量過人未有能勇
於奮發之中舍已從人惟義是聽者也今 陛下盛
氣於用武勢不可回臣非不知而獻言不已者誠見
陛下聖德寬大聽納不疑故不敢以衆人好勝之

常心望於 陛下且意 陛下他日親見用兵之害
必將哀痛悔恨而追咎左右大臣未嘗一言臣亦將
老且死見 先帝於地下亦有以藉口矣惟 陛下
哀而察之

路溫舒上尚德緩刑書

臣聞齊有無知之禍而桓公以興晉有驪姬之難而
文公用伯近世趙王不終諸呂作亂而孝文爲太宗
繇是觀之禍亂之作將以開聖人也故桓文扶微興
壤尊文武之業澤加百姓功潤諸侯雖不及三王天
下歸仁焉文帝末思至德以承天心崇仁義省刑罰

通關梁一遠近敬賢如太賓愛民如赤子內恕情之
所安而施之於海內是以囹圄空虛天下太平夫繼
變化之後必有異舊之恩此聖賢所以昭天命也往
者昭帝即位而無嗣大臣憂戚焦心合謀皆以昌邑
尊親援而立之然天不授命淫亂其心遂以自亡深
察禍亂之故迺皇天之所以開至聖也故大將軍受
命武帝股肱漢國披肝膽決大計黜亡義立有德輔
天而行然後宗廟以安天下咸寧臣聞春秋正即位
大一統而慎始也陛下初登至尊與天合符宜改前
世之失正始受命之統滌煩文除民疾存亡繼絕以

應天意臣聞秦有_一失其一尚存治獄之吏是也秦之時羞文學好武勇賤仁義之士貴治獄之吏正言者謂之誹謗過過者謂之妖言故盛服先王不用於世忠良切言皆鬱於胃譽諛之聲日滿於耳虛美熏心實禍蔽塞此乃秦之所以亡天下也方今天下賴陛下恩厚亡金革之危饑寒之患父子夫妻戮力安家然太平未洽者獄亂之也_首天獄者天下之大命也死者不可復生幽者不可復_尾蜀書曰與其殺不辜寧失不經今治獄吏則不然上_一下相毆以刻爲明深者獲公名平者多後患故治獄_一之吏皆欲人死非憎人

也自安之道在人之死是以死人之血流離於市被刑之徒比肩而立大辟之計歲以萬數此仁聖之所_尾以傷也太平之未洽凡_尾以此也夫人情安則樂生痛則思死捶楚之下何求而不得故囚人不勝痛則飾辭以視之吏治者利其然則指道以明之上奏畏_尾則鍛練而周内之蓋奏當之成雖咎繇聽之猶以爲死有餘辜何則成練者衆文致之罪明也是以獄吏專爲深刻殘賊而亡極媮爲一切不顧國患此世之大賊也故俗語曰畫地爲獄議不入刻木爲吏期不對此皆疾吏之風悲痛之辭也故天下之患莫深於

獄敗法亂正離親塞道莫甚乎治獄之吏此所謂一
尚存者也尾臣聞烏鳶之郊不毀而後鳳凰集誅謗之
罪不誅而後良言進故古人有言山藪藏疾川澤納
汙瑾瑜匿惡國君含詬惟陛下除誹謗以招切言開
天下之口廣箴諫之路掃亡秦之失尊文武之德省
法制寬刑罰以廢治獄則太平之風可興於世未履
和樂與天亡極天下幸甚

蘇轍陳州爲張安道論時事書

伏以中外臣庶各有職事越職而言國有常憲臣守
土陳州非有言責而輒言之計其狂愚茲實有罪然

臣伏念頃以老疾不任吏事陛下未忍廢棄親擇便
地以遂安養將辭之日面承德音以爲大臣之義皆
當爲國謀慮不宜以中外爲嫌有所不盡古人有言
雖乃身在外乃心罔不在王室伏惟聖德廣大無所
不容而臣自到任以來于今一歲心目昏眩有加無
瘳故嘗乞丐餘生求還閭舍區區之誠久而未獲陛
下視臣志氣之衰至此豈復有意別白是非而與世
俗爭議也哉是以得失之間久而無所與今者竊有
所懷上爲陛下叅之官吏下爲陛下驗之百姓而安
危之機實在於此自惟受恩累聖邦之休戚身實同

之志力雖衰於義不可嘿已然臣之所欲言者非敢
遠引前古逆探未然以惑陛下之聰明也凡皆陛下
之所嘗試而臣愚之所與聞者耳臣伏見陛下即位
之始計慮深遠凡有所建動合天心始議山陵深恤
費用之廣推明先帝薄塋之命以詔有司四方聞之
無不感泣其後一年之間誕布號令勸率宗族惇孝
悌之行勉勵州郡先農桑之政復轉對以廣言路議
徭役以寬民力盛德之事不可具記是時天下雖大
變之後而無不翹然想聞德音以忘其憂兩宮歡欣
九族親睦群臣萬民蒙福而安紛紜之議不至於朝

廷謗讟之聲不聞於閭里陛下優游無爲而天下已
治矣爲國如此豈不樂哉陛下自今視之當日之政
其爲可悔恨者凡有幾以臣視之非獨陛下無所悔
恨雖天下之人亦未有以爲失當者也何者政令簡
易而人情之所安耳易曰易則易知簡則易從易知
則有親易從則有功有親則可久有功則可大向使
陛下推行此道終始不變則臣以爲可久可大之功
可得而致矣其後求治太切用意過當姦臣緣隙得
進邪說始議開邊以中上旨於是延安有橫山之謀
保安有招誘之計陛下饒之以金帛假之以干戈天

姿英果有漢武宏達之量雖復兵吏失律而立功之意未嘗少衰是以左右大臣測知此心復進財利之說陛下樂聞其利而未暇深究其害於是舉而從之置條例司而講求天下之遺利已酉之秋新政始出自是以來凡所變革不可悉數其最大者一出而爲常平青苗再出而爲揀兵併營三出而爲出錢顧後四出而爲保甲教閱四者並行於世官吏疑惑兵民憤怨諫爭者章交於朝誹謗者聲播於市陛下不勝其煩爲之當宁太息日晏而不食矣然猶幸其成功力排衆人之議而固守之天下方共厭苦而不知其

所止也而揀兵併營之策其害先見武夫凶悍爲怨最深爲患最急陛下知其不可於是多支月糧復收退卒以順適其意而陛下既再悔矣然軍中之口猶復洶洶不靖陛下雖推恩撫之而終不以爲惠反謂陛下畏之耳不幸邊臣失筭再生戎心帷幄之臣謀之不臧不務安之而務撓之臨遣執政務以強事多出金幣豫書誥勅以成其深入之計當此之時天下之心知其必敗矣而陛下與一二臣者方以爲萬舉而萬全既而出兵無人之境築城不守之地困弊腹心以求無益之功使秦晉之民父子流離肝腦塗地

戎人微勸受屈已築之城隨即傾覆救援之兵相繼
潰叛四方震動君臣宵旰而後下罪已之詔投竄元
宰以謝二鄙而陛下既三悔矣夫此三者方其未悔
也陛下亦以爲是邪非邪陛下犯逆衆心力行而不
顧其必以爲是不以爲非也然而其終卒至於此然
則方今陛下之所是而未悔者無乃亦類此與臣聞
衆而不可欺者民也勇而不可犯者兵也險而不可
侮者鄰國也今陛下既已欺民犯兵而侮鄰國矣夫
犯兵侮鄰變速而禍小至於欺民則變遲而禍大變
速而禍小者瓦解之憂也變遲而禍大者土崩之患

也今瓦解之憂陛下既知悔矣土崩之患陛下未以
爲意此臣之所以寒心也易曰不遠復無祇悔元吉
事之未敗也陛下不悟其非必俟其敗而後悔如何
三者則陛下之復已遠而悔亦大矣且臣觀之方今
陛下之所是而未悔者亦有三而已青苗助役保甲
三者之弊臣不復言矣何也言事者論其不可非一
人也百姓毀壞支體燻灼耳目嫁母分居賤賣田宅
以自脫免非一家也陛下其亦知之矣徘徊而不改
使民無所告訴加之以水旱繼之以饑饉積悍之民
奮爲群盜侵淫蔓延城而復起英雄乘間而作振臂

一呼而千人之衆可得而聚也如此而勝廣之形成此所謂土崩之勢也臣恐陛下至此雖欲復悔而無所及矣故臣願陛下取即位之政與今日之事而試觀之天下擾擾不安孰與今日之甚群臣交口爭辨孰與今日之衆陛下聽覽疲倦孰與今日之多悔恨自責孰與今日之切陛下誠以此較之則不待臣言之終而得失可以自決矣且夫即位之政陛下之本心也今日之事臣下之過計也陛下棄即位之本心而徇臣下之過計臣竊以爲過也雖然臣竊聽之道路方今陛下則亦悔之矣悔之而不變非陛下之意

也迫於建議之臣耳夫人臣進謀於其君苟事之不遂而變以從衆則人主有以測其深淺人主有以測其深淺則其用捨之命在於人主此人臣之所以不便也臣竊痛陛下聰明睿知廢置自我而猶爲此鬱鬱也漢宣帝與趙充國擊匈奴魏相非之以爲當與平昌侯樂昌侯平恩侯及有識者詳議乃可此三人者非賢於趙充國也然而與國同憂樂無僥倖功名之心與希望爵賞之意則過於充國遠甚充國猶不可聽而况不如充國者哉陛下將安民保國而與喜功伐好權利者謀之臣不知其可也臣不勝區區忘

身憂國之誠是以勢踈而言切惟陛下察之

蘇轍自齊州回論時事書

臣自少讀書好言治亂方陛下求治之初上書言事陛下不廢狂狷召對便殿親聞德音九品賤官自此始得登對論事當此之時陛下好問之聲震動海內愚賤之人篤信寡慮以爲天下之事可得徐陳遍舉指顧而定矣旣而誤蒙恩澤受職條例抗論得失與有司不合得請外補於今七年而天下之治安終未可見臣竊疑之伏惟陛下天生聖德聰明睿智不學而具其於謀慮措制曾何足云自頃歲以來每有更

張民率不服蓋青苗行而農無餘財保甲行而農無餘力免役行而公私並困市易行而商賈皆病上則官吏勞苦患其難行下則衆庶愁嘆願其速改凡此四者豈陛下之聖明有所不知耶臣以爲非也陛下之聖明無所不知何以言之二年以來陛下屢發英斷廢置大吏數其罪愆明示臣庶凡天下之所共疾惡者陛下無一不知由此觀之凡天下之所共怨苦者陛下何所不察今者皇天悔禍啓道聖意易置輔相中外踴躍思覩寬政而歷日彌月寂寞無聞衆心皇皇如久饑而不得食臣雖愚陋竊獨爲陛下恨也

陛下自即位以來求治之心常若不及意將以堯舜之隆平易漢唐之淺陋不幸左右不明陵遲以至於此天下之人孰不知之今也既知其不可用而去之又循其舊而不改將遂代之任咎此臣之所以爲陛下恨也且今天下之安危智者不再計矣水旱連年死者將半遺民饑困盜賊滿野疆場未寧軍旅在外府庫空竭邊餉寡少事之可憂者何可勝數術之不效斷可見矣然陛下獨遲遲而不決意者已爲之而已廢之恐天下有以窺其深淺耶臣聞人主之德如天天之於物也熾然而旱赤地千里草木皆死可謂

虐矣然至雷雨時作膏澤洋溢百谷奮起民復粒食鼓舞盛德而忘旱之虐何者度量廣大改過無疑也如使密雲不雨旣雨而中止遲疑猶豫久而不忍則天之生物盡矣傳曰君子之過也如日月之食焉過也人皆見之更也人皆仰之今陛下誠先治其心使虛一而靜湛乎彼我得失莫能嬰也去惡如棄塵垢遷善如救饑渴與民一新罷此四事青苗之旣散者要之以三歲而不收息保甲之旣團者存其舊籍而不任事復差役以罷免役之條通商賈以廢市場之令行之暮年而觀之苟民不安居水旱復作盜賊復

起財用復竭誠有一事以憂陛下臣請伏罔上之誅
以謝左右陛下誠不信臣數年之後親受其弊矣古
人有言曰一慙之不忍而終身慚乎惟陛下爲社稷
籌之臣謹列四事之害畫一以獻不勝愚忠憤懣之
誠干犯天威伏俟鈇鉞臣轍誠惶誠恐昧死上書畫
一謹按青苗免役保甲市場四事得失最爲易見上
自中外臣寮下至田父野老無有一不知者但以朝
廷所行言其是則有功言其非則有罪是以畏避鉗
默不敢正言臣今謹采衆議人所共知灼然可見者
畫一開坐其後

一議者皆謂富民假貸貧民坐收倍稱之息是以
富者日富貧者日貧今官散青苗取息二分收
富人并兼之權而濟貧民緩急之求貸不異於
民間而息不至於倍稱公私皆利莫便於此然
公家之貸其實與私貸不同私家雖取利或多
然人情相通別無條法今歲不足而取償於來
歲米粟不足而繼之以芻藁雞豚徇彘皆可以
還債無歲月之期無給納之費出入閭里不廢
農作欲取卽取願還卽還非如公家動有違碍
故雖欲取息過倍而民恬不知今官貸青苗責

以見錢催隨二稅隣里相保結狀請錢一家不
至九家坐待奔赴城市糜費百端一有逋竄均
及同保貧富相迫要以皆斃而後已朝廷雖多
設法度以救其失而其實無益

一議者又謂平時差役破壞民家一夫爲役舉家
失業故使逐戶出錢官爲催人謂之免役出錢
雖多而民免於破家之患以此爲詭行之不疑
然不知三代之民以力事上不專以錢近世因
其有無各聽其便有力而無財者使効其力有
財而無力者皆得雇人人各致其所有是以不

勞而具今也棄其自有之力而一取于錢民雖
有餘力不得効也於是墮田宅伐桑柘鬻牛羊
馬以供免役而天下始大病矣且夫錢者官之
所爲米粟布帛者民之所生也古者上出錢以
權天下之貨下出米粟布帛以補上之闕上下
交易故無不利今青苗免役皆責民出錢是以
百物皆賤而惟錢最貴欲民之無貧不可得也
至如京師百司郡縣刑法之吏無祿而役爲日
久矣周制度人在官雖曰有祿而事簡吏少勢
或易供非如今時員數穢多不可供億况三代

文編卷之十一
兵出於民而今世之兵坐而仰給若又兼舉大費爲力實難然議者以爲給之以祿然後可責之以廉蓋朝廷選吏之精必不如擇官之慎祿吏之厚必不如祿官之多今慎擇多祿之官猶不免於貪而况於吏人乎且昔之爲法也計贓得罪無祿者減等今用倉法則吏之得罪反重於官顛倒失宜尤爲未可若朝廷誠患吏貪但使官得其人則吏之受賕自有分限若猶未也則雖重祿深法不能禁矣

一議者又謂三代之盛兵出於農故團結伍保以寓軍令朝廷喜其近古亦謂可行然而三代之民受田於官官之所以養之者厚故出身爲兵而無怨今民買田以耕而後得食官之所以養之者薄而欲責其爲兵其勢不可得矣蓋自唐以來民以租庸調與官而免於爲兵今租庸調變而爲兩稅則兩稅之中兵費已具且又有甚者民之納錢免役也以爲終身不復爲役矣今也既已免役而於捕盜則用爲耆長壯丁於催稅則用爲戶長里正於巡防則用爲巡兵弓手一人而三役具焉民將何以堪之且其爲巡兵

文編卷之十一
一書
守手也。一保甲之中，丁壯既出，老弱守舍，盜賊乘間如入無人之境。而其上番之期，又不過旬日，坐作進退，未能知也。代者既至，相率而返，往來道路勞弊，何益至使盜賊縱橫，官吏蒙責，嘯聚群黨，攻剽州縣，未必不由此也。古之循吏使民賣劔買牛，今也使之棄其農具而置兵器，小民無知緣以爲惡，良民之畏事者，一入而終身不得脫，姦民之好權者，一補而終身不得免，其爲患害有不可勝言者矣。

一議者常患百貨輕重，制在官民，少則貴賣以取贏，多則賤買以要利，利有所壅，商賈難通，於是置市場之官以平貴賤，有司誠守此議，不更別有所營，則雖繁碎難行，然亦未深害民。今自置市場，無物不買，無利不籠，命官遣人販賣南北，放債取利，公行不疑，杜絕利源，不與民共觀，其指趣非復制其有無，權其輕重而已也。徒使小民失業，商旅不行，空取專利之名，實失商利之稅，國體卑辱，海內離心，巍巍盛朝，何苦於此。况復小民好利，類無遠見，爭取官債以救目前，欺瞞父兄，妄引抵當，期限既迫，逃竄無所，父子離

散行路咨嗟柰何爲此陷筭誘而納之也至於
姦民巨賈窺伺間隙取利則多或輸滯積不售
之貨以易見錢或指殘破無用之屋以賒實貨
巧智百出難以具言有司蒙蔽指以爲利泉幣
一散汗漫難收官之所藏徒文具而已竊聞朝
廷近日將議窮究然而旣弊之法施行未已買
賣百物猶且如故譬如含茹毒藥喉舌破敗胸
膈脹滿知其非亡大然且閉口不吐安坐切脉廣
求方書其於速愈思之術踈矣

右臣所陳畫一事件比日是耳目所接衆庶共知朝廷
清明豈有不察若誠有意改易非復難行但朝出一
紙詔書四弊夕去非如前代積弊或在列國或在四
夷欲議改更恐其動搖海內故且維持含養苟且便
安今事在朝廷出命則已衆所係望事難久留而私
自顧戀遲遲不決以失天下之心臣竊不取也愚憊
之人志在憂國言詞激切干犯典刑區區寸誠其俟
誅戮謹具狀奏聞伏候勅旨

文編卷之十二終

